

A1^v

Dem Erbarn/ Vorfichtigen/ vnd
 Wolweifen Herrn Chriftoffel Harctorffer/
 Bürger vnd Radtherrn zu Nürmbbergk/ wüñfche
 ich Matthias Flacius Illyricus/ gnade vnd friede
 von dem Herrn/ vnd einen Chriftlichen ei=
 uer vnd beftändigkeit/ in der waren
 Religion Jefu Chrifti.

GVñftiger lieber Herr vnd befonde=
 rer Patron/ Es haben die Bepfti=
 fche Lerer im Augfpurgifchen
 Reichstag/ Anno Domini 1530. felbft ge=
 gen jren Herrn/ wie D. Martinus vnd an=
 dere glaubwürdige fchreiben vnd zeugen/
 bekant/ das fie jre Lehr widder vns mit der
 heiligen Schrift nicht verthedigen kön=
 nen/ fondern nur mit den Vetern/ vnd der
 alten gewonheiten.

Solche bekentnis thun fie zwar noch
 in allen jren fchrifften/ in denen fie nicht al=
 lein fich nicht fonderlich gründen/ auff die
 vnbewegliche warheit der H. Schrift/
 fondern leftern vnd fchreien noch dazu/
 wie auch der Schwenckfeld/ das die heili=
 ge Schrift fey ein todter vngewiffer
 Buchftab/ laffe fich hin vnd her dehnen
 vnd deuten/ wie man es nu haben wil: A=
 ber aus den Vetern zwacken fie felchlich
 fehr viel Sprüche/ vnd fchreyen Kirche/
 Kirche/

A2^r

Kirche/ alt gebrauch/ alt gebrauch/ etc.

Nun ist es nicht one/ das etlicher jrthu
men vnd misbreuchen/ so nu viel hundert
jare in der kirchen Gottes geregirt haben/
geringere anfenge/ oder (so zu reden) famen
albereit vor taufent jaren/ oder wol lenger
in der Kirchen gewesen ist: Aber wider^s
umb/ so man der Veter schrift mit vleis
liefert/ vnd alles mit ernft nachforchet
vnd betrachtet/ so befindet man beides/
das die Papisten der heiligē Veter schrift^s
te felfchlich anziehen. Vnd das gentslich
vor zeiten ein ander form der Lehr vnd
Kirchen Chrifti gewesen sey/ denn entlich
im Bapftumb.

Item man findet auch/ das/ da gleich
die jrthume vnd mißbreuche haben ange^s
fangen; vberhandt zu nemen/ ftetz den^s
noch fromme vnd gelerte Leut gewesen
find/ die solchen gewel/ aus Gottes
Geift ernftlich vnd warhafftig wider^s
sprochen/ vnd denselben haben wollen
wehren. Ja auch in den böfen letzten zeiten/
da der Antichrift selbft mit feinen Abgöt^s
tereien vnd gewel gentslich regiret hat/
find dennoch ftetz sieben taufent gewesen/
wie zur zeit Elie/ die jre knie dem Rōmi.
Baal nicht haben biegen wollen/ sondern

A ij dar^s

A2^v

dawidder nicht allein mit jrem bekenntnis/
fondern auch mit jrem ſchweren Creutz/
leiden/ blut vñ tod̄t geftrebet vnd geftrittē.

Auff das aber nicht jemandts meine/
ich rede folchs one grundt der warheit/ fo
wil ich etlich wenig Exempel erzelen. Es
ſchreiben fehr viel Scribenten/ als Gre-
gorius der Bapft/ Innocentius/ Beda/
Rabanus/ Walafridus/ Amalarius/ Ab-
bas Birns zum Henrico 111. Durandus/
Biel/ Platina/ Polydorus/ vnd fehr viel
andere/ das man am erften das Abendmal
des HErrn ſchlecht mit dem worte des
Herrn/ nemlich/ Vnfer Herr Jefus Chri-
ftus in der nacht/ 7c. gehalten/ vnd gehan-
delt habe/ vñ nicht gefaget (als jtzo in dem
Canon gelefert wird) Wir opffern dir fur
deine Kirchen/ fur die lebendigen vnd tod-
ten/ vnd fur die ſünde der gantzen Welt/
ect. Vnd zeigen das alle ftücke der Meſs/
vnd fonderlich der Gottſleferiſche Ca-
non/ etliche viel hundert Jar nach Chri-
fto von den Bepften zufamen geflickt oder
gelapt fey.

Daraus iſt leichtlich zu rechnen/ wie
war das fey/ das der Sydonius fur dem
gantzen Reichstag zu Augſpurg Anno 48.
offentlich hat durffen predigen/ das der
Ca-

A3^r

Canon/ nach allen feinen ftücken/ von der Apoftel zeit her gewefen fey. Alfo gar offentlich dürffē die papiftifche lerer widder die klare vñ helle warheit Gottes ſchreien vnd leftern/ die einfeltigen Chriſten damit zu betriegen vnd zu verführen.

Des gleichen befindet man auch in dem Mertler Juftino/ der da in dem 100. Jare nach Chriſti Himelfart/ hat die Kirchen gebreuch/ Ceremonien oder hendel beſchrieben/ das dazumal kein Opffer oder Mefs/ auch kein Firmlung/ vnd dergleichen narrenwerck in der Kirchen Chriſti gewefen fey. Mit dem ſtimmet auch Clemens Alexandrinus/ der jrgend zwey hundert Jar nach Chriſto iſt gewefen/ das ſie von keinem andern Opffer haben gewuſt (ausgenommen das leiden Chriſti) denn das gemein Gebet/ vnd ein Chriſtlich wandel/ vnd das der Altar darauff man Opffer/ fey die glaubige Seele.

Jtem von der Prieſter ehe iſt gentslich kein zweiffel/ das ſie in der erften Kirchen/ nicht allein aller ding gewonlich/ ſondern auch löblich gewefen fey/ wie denn dauon der heilige Clemens an mehr örten viel ſchreibet vnd bezeuget/ das anch die Apoftel weiber gehabt/ vñ töchter ausgegeben

A iij Ja

A3^v

Ja auch drey heilige Concilia/ als nemlich das Gangrenfe/ Nicenifche vnd Conftantinopolifche das fechfte genant/ haben die Priefter ehe widder die abergleubifche Heuchler beftendiglich verthediget/ vnd geurteilt nach des heiligen Pauli meinung/ das die Ehe ehrlich fey/ vñ das vnbefleckte Bett fey keufcheit. Vnd das noch mehr ift/ der fechfte Synodus hat ftracks vnd mit namen den Rõmifchen Canonem vom ehelofe leben der Priefter verdammet/ vnd verworffen.

Aber was fol man viel von der Priefter ehe fagen/ das fie in der erften Kirchen gewonlich gewefen fey/ befindet man doch klar in der Hiftorien/ das die Priefter ehe auch in Hifpanien/ Franckreich/ Engellandt vnd Deudtfchlandt/ fehr lang gewonlich gewefen fey/ vnd das fie erft vor vier hundert Jaren in Deudtfchlandt vnd Engellandt gantzlich von den keufchen Romaniften abgefchaffet fey.

Von der Communion vnter beider gefalt findet man allenthalben viel zeugnis/ das fie nicht allein gebreuchlich in der erften Kirchen gewefen fey/ fondern auch das man vor eine groffe fünde gehalten hab/ fo jemand hette das widderpiel vornehmen

A4^r

nemen dürffen/ wie folchs die zwey Bepfte Julius vnd Gelafius dift. 2. d. confec: bezeugen.

Von der anruffung der Heiligen ifts auch gewifs/ das fie in der erfte Kirchen nicht gebreuchlich gewefen fey/ wie denn der heilige Epiphanius folchen jrthumb an mehr örten fehr ttraffet. Jtem der heilige Auguftinus/ der da faget das man die Heiligen nicht fol anbeten/ noch jnen Kirchen bawen/ fondern jnen nur mit einem Chriftlichen wandel nachfolgen.

Von des Bapfts gewalt vnd hoheit/ haben auch die erfte Chriften nichts gewuft/ wie denn Bapft Pius Secundus Epiftol: 301. felbs bekennet/ das vor dem Nicenifchen Concilio/ nemlich gantzer drey hundert Jaren nach Chrifti Himelfart/ die Chriften fchlecht vor fich gelebt haben/ vnd nicht viel nach der Römiſchen Kirchen gefragt.

Jtem man befindet das der fechfte Carthaginenfifche Synodus/ in welchem auch Auguftinus gewefen/ beftendiglich beſchloffen habe/ das der Bapft gantzlich keine gewalt vber die Africanifche/ vnd andere außlendifche Kirchen haben fol. Difs ift gefchehen wol vier hundert Jar

A iij nach

A4^v

nach Chrifti Himelfart. Aber hieuoⁿ herⁿ
nacher weiter.

Dergleichen hat auch der Melitaniⁿ
fche Synodus verboten/ das niemandts
vber Meer gen Rom appelliren fol. Weiⁿ
ter befindet man auch/ das der H. Hieroⁿ
nymus d^ur vnd klar fchreibet/ das der Biⁿ
fchoff zu Rom nicht gr^offer oder ho^her
fey/ denn jrgendt ein ander Bifchoff/ es
fey was fur einer er fey. Dergleichen liefert
man in den fchriffteⁿ des Bapfts Gregorij/
das er folche gewalt vnd hoheit/ nur auff
hefftigt verdammet vnd verflucht hat.

Aber nach diefem Gregorio ift Bapft
Bonifacius 3. komen/ der hat den primat/
oder Oberfte hoheit von den mo^rderifchen
auffru^rifchen Tyrannen Foca erlanget/
welches erft 600. Jar nach Chrifti geburt
gefchehen ift. Das alfo der Bapft nicht
rechtfchaffen ein Oberfter vber andere
Kirchen gewefen ift/ ehe denn 600. Jar
nach Chrifti geburt.

Von den fieben Sacramenten der Paⁿ
piften/ findet man keinen alten Scribenten/
der folche zal zelet/ Rabanus Maurus der
vor 700. Jaren gewefen/ fetzet nur die drey
Sacramenta/ die Tauff/ Confirmation/
vnd das Abendmal des Herrn. Derhalben

fo

A5^r

So hat erft M. Sententiarum diefe 3al der Sacramenten vor 400. Jaren erdichtet/ wie er denn auch die gantze Lehr vnd Religion volends verderbet/ verfelfchet vnd zu nichte gemacht hat.

Von den Menfchen fatzungen vnd Munchereien fchreiben die Papiftē felbft/ wenn vnd von wem difs oder jenes erdichet oder erfundē fey/ Das meifte teil ift fehr lang nach Chrifto gefchehen. Die Muncherey ift zwar erft recht in den nechften 300. Jaren auff komen. Da ift erft das gefchmeis der Francifcaner/ Dominicaner/ Carthauer/ Auguftiner/ vnd dergleichen aus der Helle in die Welt gekrochen/ vnd die gantze Kirche fcheusliche befchmeift/ vnd vertellet.

Es hat auch der liebe Auguftinus/ in der Epiftel ad Januarium geklaget/ das albereit zu feiner zeit die Chriftenheit also mit Menfchen fatzungen befchweret gewefen/ das es viel leidtlicher vnd treglicher den Jüden vor zeiten gewefen fey. Widder die Abgötterey der Götzen oder Klötzen find viel Veter vnd Concilia gewefen/ als vnter andern der heilige Epiphanius/ Concilium Elibertinum/ vnd ein Conftantinopolitanifch/ Die da

A v nicht

A5^v

nicht allein nicht haben leiden wollen/ das man die Götzen anbetet/ sondern auch nicht/ das man sie dulde in der Kirchen. Ja es hat auch Carolus der große oder erste/ vier Bücher (newlich in Franckreich gedrucket) wider die Abgötterey der Bilder/ vnd das siebende Concilium geschrieben/ welches solche Abgötterey auch mit Papsts Adriani bewilligung vertheidigte. Es streitet auff hefftigt der selbige Keiser in den Büchern/ das man die Bilder nicht ehren sol/ weder mit kleidern/ oder andern zieren/ noch mit liechten/ mit reuchern/ mit kniebeigen/ vnd sich für jnen bucken/ oder jrgendt auff eine weis. Die Bücher sind newlich in Franckreich/ vnd das Concilium zu Cöln gedruckt. Es gedencket auch Ekius der selbigen vier Bücher Caroli M. in seinem Enchiridio.

Nu poltern auff hefftigt die Papsten wider vns arme Euangelischen/ das wir gemeine vnd verftändige Sprache in Kirchen fachen gebrauchen/ auff das nach Pauli gebot jederman erbawet werde/ vnd zu dem gemeinen Gebet sein Amen sagen könne. Aber Papst Pius secundus schreibt/ das vorzeiten/ da die Römische Kirche/ in einem Concilio
dar

A6^r

darüber disputiret hat/ ob man auch den
 Sclauen oder Wenden gefatteten folle/
 das sie jr Mutter sprach in Kirchen ge-
 fengen forthin gebrauchen/ da ein ftim
 vom Himel gehort worden sey. Omnis
 lingua laudet Dominum. Man sol in al-
 len zungen den Herrn loben. Jft das war/
 warumb verdammen sie denn jtz vns fo-
 lcheuslich/ das wir die Mutter sprach in
 Kirchen fachen gebrauchen?

Summa/ wer die alten vnd neuen
 Veter liefet/ vnd wer nicht widder sein
 eigen gewiffen wil liegen/ der mus be-
 kennen/ das je elter die Scribenten find/
 je weniger man darinne von der Mün-
 chereie/ von Menfchen fatzungen/ von
 Ceremonien vnd Kirchen geprengen/ von
 der Mefs/ von Vigilien/ vom Fegfewr/
 von der Heiligen anruffunge/ von der Cre-
 aturen weihunge/ vom verbot der Spei-
 fen/ von des Bapft gewaldt oder Reich/
 von Walfarten/ von der Todten kno-
 chen vnd Klötzen anbetunge/ von den Ab-
 las brieuwen/ vnd dergleichen Menfchen-
 tandt/ vnd des Römifchen Antichrifti-
 fchen fündeleins vnd gefchmeis/ nichts
 findet/ ja man liefet in den erften Scribentē.

gant3

A6^v

gant3 vnd gar nichts von folchem narren-
werck/ Sondern es ftehet alles im weifen
vnd zeigen des Lambs Gottes/ das ift im
predigen vnd rhûmen das einige Opfer
des Sons Gottes/ vnd vermanung zu ei-
nem Chriftlichem wandel. Dargegen aber
findet man allenthalben in den newen Pa-
piftifchen/ Sophiftifchen/ oder Mûnchi-
fchen Vetern oder Scribenten das wid-
derpiel. Das ift je war vnd vnleugbar.

Weiter fo ich wolt erzelen alle die/ fo
vor diefen zeiten dem Antichrift zu Rom/
vnd feinen Abgöttereien widerfprochen
haben/ wurde es mir fehr lang/ ja all zu
lang/ fo hab ich folchs auch in einem eigen
Buch gethan/ welches ob Gott wil bald
ausgehen wird.

Aber ich wil jtzt aller anderer gefchwei-
gen/ vnd nur eines einigen gedencken/ nem-
lich Doctoris Gregorij Heimbürgenfis/
welcher bey euch vor C. Jaren der Stadt
Jurift oder Syndicus gewefen/ vnd ift
von dem Hochgelarten Wimpflingo/
Syluio vnd andern nur fehr gelobet wor-
den/ als ein vberaus gelerter vnd auch fro-
mer Man/ wie man folchs lefen mag in
Prothefi Vuimpflingi ad illuftres uiros
Germaniæ Trithemij, vnd in Commenda-
tione

A7^r

tionem dictorum Alfonfi Reg: lib. 2.

Dieser furtrefflicher Man/ vnd ein ernfter liebhaber der waren Religion/ vnd feines lieben Vaterlandts hat viel pflegt zu schreiben/ vnd zu reden widder des Papsts Tyranny vnd Gotteslesterung/ dauon noch etliche schriffte/ sonderlich aber widder des Papsts primat/ sind von mir alhie vor etlichen Jaren/ vnd zu Basel dits Jar sampt vielen andern/ in Druck verfertigt. Der selbige ist von dannen entlich von dem Papst Pio secundo oder Aeneas Syluio durch ein eigen Bulla/ die vnter feinen Briuen die 415. ist/ verbannet vnd veriaget worden.

Von dannen aber ist er komen zu Dethero Ertzbischoff zu Mentz/ welcher war von dem hohen geschlecht der Grauen von Jfenbergk. Denn der selbige war eines ehrlichen vnd ernften gemüts/ vnd liebhaber feines Vaterlandts/ Wolte derhalben/ wie es einem edeln vnd wolgebornen Herrn Deudtsches bluts wol anstünde/ nicht gestatten/ das der Impius solte also schendlich Deudtschlandt plündern vnd schinden. Aber der Gottlose Pius erregte viel andere Pfaffenknechtliche Herrn wider ihn/ vnd zündte ein gewlichen einheimi-

A7^v

mischen krieg an in Deudtſchlandt/ wie
der Bepfte gewonheit ſtetz gewefen iſt. A-
ber zur ſache.

Difs hab ich alfo kürtzlich erzelen wol-
len/ damit anzuzeigen/ das man allenthal-
ben fehr viel zeugnis findet/ das die erſte
Kirche viel ein ander gefalt gehabt in al-
len ſtücken der Religion/ vnd das die Pa-
piſten ſich in der warheit nicht viel mehr
der alten Veter/ vnd der erſten Kirchen
rühmen können/ deñ der heiligen Schrifft.
Item das ſie ſelchlich ſchreien/ ein ſolche
Religion/ wie die jre iſt/ were ſtetz von den
Apofeln her gewehret/ vnd niemandt het-
te je darwidder geſprochen/ ſondern nur
D. Luther/ vnd wir ſeine Schüler/ etc.
Denn es befindet ſich in der warheit viel
anders.

Wolte aber der liebe Gott/ das bei-
de/ leut vnd vnkoſt vorhanden weren/
das man kôndte allenthalben in der Welt
ſuchen/ die alte verborgene/ vnd vnter-
gedrückte ſchriffte/ auch die gedrückte
auffſ vleiffigt durchforſchen/ vnd dar-
aus eine gute Kirchen Hiſtorien/ mit
vleis zufamen bringen/ Man wurde ge-
wislich fehr viel kôſtliche ſtücke an tag
bringen vnd erweifen/ das es vorzeiten
viel

A8^r

viel anders in der Kirchen gefanden ha-
be/ denn die jenigen meinen/ so sich mit der
Papisten geschrey erschrecken lassen/ die
alte Kirche/ die Mutter Kirche/ die alte
Religion/ etc.

Solchs habe ich jtz darumb vom zu-
fande vnd wesen der alten Kirchen kurtz-
lich wollen anzeigen/ weil ich furgeno-
men diese folgende Hiftorien öffentlich
durch den Druck allen liebhabern der Göt-
lichen warheit mitzuteilen. Diese Hiftori-
en aber erzelet fein nach einander/ wie vor-
zeiten die Bepfte stet nach der hoheit oder
Tyranny in der Kirchen Gottes haben
getrebet/ geschnappet vnd getappet/ A-
ber sie sind dargegē sehr offtmals/ vñ son-
derlich vom vj. Aphricanischen Synodo/
weidlich ingehalten/ vnd zurück getrieben
worden. Denn dieser streit dem vnfern
jtzigen aller ding gleich/ wehrete im sel-
bigen Concilio funff gantzer Jar nach-
einander/ vnd kamen die Veter mit dem
Bapst sehr hefftig zusamen/ Der Bapst
aber mußte endlich mit schanden wei-
chen.

Vnd ist vns solchs zu wissen sehr
tröstlich vnd nützlich/ auff das wir ge-
wis

A8^v

wis wiffen/ das difer ftreit oder zwi-
tracht/ ob der Römifche Bifchoff ein
Stadthalter Chrifti oder oberfter Herr
fey vber alle Kirchen/ vnd ob die Chriften
felig können werden/ wenn fie gleich nach
dem Bapft vnd feiner geuckeley nicht viel
fragen/ fur taufent jaren von den heiligen
Concilijs vnd Vetern fey geörtet/ vnd des
Bapfts primat verdammet worden.

Diefe Hiftori aber hab ich wollen E.
E. W. darumb zufchreiben/ das ich an jr
ein rechtchaffenes Chriftliches hertze aus
vielen gewiffen zeichen vermercket/ vnd
gefpuet habe/ Auch/ auff das ich jhr fol-
chem Chriftlichem vornemen weiter nach
zu dencken/ vnd zu fordern vrfach gebe.
Grüffet den Herrn Thomas Jrtenber-
ger/ Jacob Ber/ vnd die andere guten
Herrn vnd Brüder in Chrifto. Damit
leid fampt ewerm lieben Gemahl/ vnd den
andern ewern in Gottes barmher-
tzigkeit befohlen/ Amen. Da-
tum Magdeb: prima No-
uembris. 1555.

Hiftoria.

K2^r

Vorrede auff den folgenden
Spruch Juftini.

JCh hab es fur gut angefehen/ das
man des hochgelerten Juftini des
Mertelers befchreibung der Kir-
chen/ wie fie vngefehr hundert Jar nach
Chrifti Himelfart gewefen ift/ hierzu thete.
Denn daraus kann man fehr viel dinges
lernen/ als erftlich wie einfeltig vñ ſchlecht
die Ceremonien oder form der erften Kir-
chen gewefen find/ vnd das alles nur dahin
gerichtet gewefen ift/ das der Prediger
ſampt dem zuhörer von hertzen Gott bitte/
vnd dazu ein hertzlich Amen im glauben
ſpreche/ Jtem das er fie recht vnterwefete.
Es war alles nach Pauli befehl/ nur
zur erbawung gerichtet/ vnd nichts zum
ſchein oder gepreng/ viel weniger zum ge-
win/ wie jtzo.

Zum andern kann man daraus mercken/
das die Tauffe noch nicht mit Chryſam vñ
der gleichen narrenwerck befudelt gewefen/

K ij fon-

K2^v

Sondern man hat schlecht die Person zu dem Wasser geführt/ wo nur daffelbige gewesen ist/ also getauft/ vnd von dannen zu der Kirchen geführt.

Zum dritten siehet man hie/ das zu der zeit noch keine Beicht/ auch keine Sydonische Firmlung vorhanden gewesen ist. Sondern die bekehrten sind track von der Tauff zu dem Abendmal des Herrn geführt worden.

Zum vierden ist aus solcher beschreibung zu sehen/ das alle Christen vnter beider gestalt/ one vnterscheidt/ communiciret haben.

Zum fünfften/ so ist daraus klar/ das zu den zeiten mit dem Leib vnd Blut nichts anders gehandelt ist worden/ denn allein die Cōmunion oder Abendmal des Herrn/ vnd das kein Opfer oder Mess da sey gewesen (weder vor die lebendigen noch vor die todten/ wie denn auch die Bepfliche schreiber selbst/ da sie erzelen die erfinder oder stifter der Mess/ bekennen/ das der Canon etliche hundert Jar nach Christo zu samen geflickt worden sey.

Entlich so ist auch aus dem Spruch

K3^r

zu mercken/ das die erfte Kirche flucks nach
Chrifto geglaubt vnd geleret habe/ das im
Abendmal der ware Leib vnd das ware
Blut Chrifti fey. Vnd ift mol zu betrach^{er}
ten/ das/ wenn es nur ein zeichen oder figur
des Leibs vnd Bluts Chrifti were gewefen/
fo hette das der H. Juftinus viel lieber vor
den Heiden geredt/ denn das were jnen fehr
leicht zu glauben/ der vernunfft gemefs/ vn̄
gar nicht feltzam vnd wunderbarlich ge^{we}
weft. Der Allmechtige ewige Gott erbar^{er}
me fich vnfer Amen.